


NewspaperSG



We will be conducting system maintenance from 21 Feb, 10pm to 22 Feb, 9am. Patrons will not be able to use NLB's digital services during this period.

Olahragawan terbaik diumumkan petang ini

Berita Harian, 8 May 1997, Page 15

 Article also available on Microfilm Reel NL21019

Printer-Friendly Page

Olahragawan terbaik diumumkan petang ini

Pesilat Sheikh, Abdul Kadir antara peserta yang dicalonkan

ANUGERAH TERTINGGI AHLI SUKAN

Oleh | MOHD SANI ALI

PENGUASAAN sukan air dalam perebutan anugerah tertinggi ahli sukan terbaik setempat — Olahragawan dan Olahragawati — kelihatan tenggelam.

Ini berikutan dengan ketiadaan seorang pun ahli renang, mahupun ahli kapal layar.

 Scroll to Top

yang lazimnya menguasai anugerah ini, disenaraikan bagi merebut anugerah tertinggi yang akan diumumkan oleh Majlis Olimpik Kebangsaan Singapura (SNOC) petang ini.

Sebaliknya, Roger Kao, juara Kejohanan Ski Air Asia yang berlangsung di Korea Selatan, muncul sebagai salah seorang calon pilihan untuk menerima anugerah ini.

Namun begitu, kejayaan Kao, 26 tahun, sebagai juara keseluruhan kejohanan selepas memenangi acara *trick*, tempat ke-15 acara *slalom* dan kelima pada acara *lompat*, belum boleh dijadikan jaminan yang beliau akan menjulang anugerah ini.

Apa yang pasti ialah beliau menerima saingan daripada ahli bowling, Tommy Ong, dan Picasso Tan dari sukan wushu serta dua pesilat nasional.

Ong muncul sebagai pemenang pingat emas acara perseorangan di kejohanan FIQ Asia di Seoul, manakala Tan pula adalah pemenang bersama pingat emas Kejohanan Wushu Asia yang berlangsung di Manila, Filipina.

Bekas juara dunia, Sheik Alauddin Yacoob, 30 tahun, bersama Abdul Kadir Mohamed Ibrahim, 25 tahun, pe-

menang pingat emas Kejohanan Silat Undangan Malaysia, yang turut dicalonkan oleh Persekutuan Silat Singapura (Persisi), membayangkan me-

reka juga mampu bersaing bagi merebut anugerah itu.

Bagi Sheik Alauddin, ini merupakan pencalonannya yang keempat sejak mencatatkan kejayaan mantap keluar sebagai Juara Dunia dalam 1992.

Beliau juga menjadi juara Kejohanan Silat Asia Tenggara 1991 di Manila, Sukan SEA 1993 dan Sukan SEA 1995 di samping Kejohanan Silat Dunia 1994 di Haadyai, Thailand.

Selubungan dengan itu, persaingan bagi perebutan anugerah Olahragawati juga kelihatan tidak membayangkan sebarang kehangatan.

Ini disebabkan hampir kesemua lima calon tidak mencatatkan sebarang kejayaan yang memberangsangkan selain daripada Jing Jun Hong, ratu tenis meja yang berjaya menduduki tempat ke lapan di Kejohanan Piala Dunia.

Jing juga menduduki tempat ke-12 dalam ranking Persekutuan Tenis Meja Antarabangsa dan ke-15 dalam ranking dunia.

^ Scroll to Top


Kejayaan Siti Fairuza Mohamed Zainuddin, 22 tahun, ahli silat berbakat yang keluar sebagai juara Kejohanan Silat Malaysia di Kuching tahun lalu, turut membayangkan saingan kepada Jing.

Namun demikian, kemampuan Cassandra Chiu, ahli sukan orang-orang cacat, memenangi lima pingat emas dari acara renang di Kejohanan Orang-Orang Buta di Malaysia, turut membayangkan persaingan masih terbuka.

Bagaimanapun, jika ditinjau secara teliti senarai calon dengan kejayaan yang mereka capai, kemungkinan timbul suatu kejutan — tidak seorang pun daripada calon lelaki mahupun wanita terpilih — tidak dapat dinafikan.



^ Scroll to Top




^ Scroll to Top

PAHLAWAN SENI TURUT BERSAING: Para ahli silat, yang terdiri daripada Sheik Alauddin Yacoob (gambar kiri tengah), Abdul Kadir Ibrahim dan Siti Fairuza, akan turut bersaing bersama-sama dengan para ahli wushu, Picasso Tan dan Tan Mui Buay, untuk anugerah Olahragawan dan Olahragawati 1996 yang akan diumumkan petang ini.

OLAHRAGAWAN-OLAHRAGAWATI 1996

- Sam Goh Heng Soon (bowling)
- Tommy Ong Bee Chye (bowling)
- Chua Lai Sian (mendayung)
- How Yew Sang (ragbi)
- Sheik Alauddin Yacoob (silat)
- Abdul Kadir Mohd Ibrahim (silat)
- Frankie Thanapal Sinniah (sukan orang-orang cacat)
- Roger Koo Kai Hock (sukan air)
- Picasso Tan Yeow Kuan (wushu)
- Benny Tan Cheng Tee (wushu)



- Siti Fairuza (silat)
- Cassandra Chiu Mei Mei (sukan orang-orang cacat)
- Ling Jun Hong (tenis meja)
- Tan Mui Buay (wushu)
- Chiew Hui Yan (wushu)

- Bowling (lelaki - Jack Wong, Sam Goh, Ricky Ng, Adam Chew, Tan Yong Seng)
- Bowling (wanita - Doreen Pang, Katherine Lee, Elaine Yong, Grace Young, Jasmine Ho, Alice Tay)
- Bola jaring (pasukan bawah 21 tahun)
- Ragbi (pasukan bawah 23 tahun)

- William Woo Nam Fatt (bowling)
- Goh Seck Tuck (bola jaring)
- Hacharan Singh (sukan orang-orang cacat)

- Ricky Ng, Adam Chew, Tan Yong Seng, Jack Wong, Jasmine Ho, Doreen Pang, Katherine Lee, Elaine Yong dan Alice Tay (bowling)
- Grace Chew, Vicki Woo (bola jaring)
- Yung Kang Cheong (ragbi)
- Thum Ping Tjin, Sng Ju Wei, Gerald Koh (renang)
- Tan Poo Fern (tenis meja)
- Siew Shaw Her, Charles Lim Yi Yong (kapal layar)